

«ТАСДИҚЛАЙМАН»

«Иссиқлик электр станциялари» АЖ

Бошқарув раёсатининг биринчи ўринбосари

 Б.И. Жураев  
« 2022 й.

**01.01.2022 йил ҳолатига “Иссиқлик электр станциялари” АЖ тизим корхоналарининг идентификация қилинадиган активлари ва мажбуриятларининг ҳаққоний қийматини молиявий ҳисоботнинг халқаро стандартлари (МҲХС) талабларига мувофиқ баҳолаш хизматларни сотиб олиш учун**

## **ЭНГ ЯХШИ ТАКЛИФНИ ТАНЛАШ ҲУЖЖАТЛАРИ**

---

**Буюртмачи: “Иссиқлик электр станциялари» АЖ**

**Тошкент-2022**

## Мундарижа

<b>1. ТАНЛАШ ИШТИРОКЧИЛАРИ УЧУН ЙЎРИҚНОМА</b> .....	3
1. ЭНГ ЯХШИ ТАКЛИФНИ ТАНЛАШНИНГ ПРЕДМЕТИ ВА БОШЛАНГИЧ НАРХ	3
2. ТАНЛОВ ТАШКИЛОТЧИСИ.....	3
3. ТАНЛАШ ИШТИРОКЧИЛАРИ.....	3
4. ТАКЛИФ ВА УНИ РАСМИЙЛАШТИРИШ.....	4
5. ТАКЛИФ ТАҚДИМ ЭТИШ МУДДАТИНИ УЗАЙТИРИШ.....	4
6. ХАРИД ҚИЛИШ ҲУЖЖАТЛАРИГА ЎЗГАРТИРИШЛАР КИРИТИШ.....	4
7. ТАКЛИФЛАРНИ МЕЗОНЛАР АСОСИДА КЎРИБ ЧИҚИШ ТАРТИБИ.....	5
8. ТОМОНЛАРНИНГ ЖАВОБГАРЛИГИ ВА МАХФИЙЛИККА РИОЯ ҚИЛИНИШИ	6
9. БОШҚА ШАРТЛАР.....	6
10. ШАРТНОМА ТУЗИШ.....	6
<i>Иштирокчилар ва танлаш таклифларини малака баҳолаш тартиби ва мезонлари.</i>	7
<b>2. НАРХ ҚИСМИ</b> .....	8

# 1. ТАНЛАШ ИШТИРОКЧИЛАРИ УЧУН ЙЎРИҚНОМА

Ушбу харид қилиш ҳужжатлари Ўзбекистон Республикасининг 2021 йил 22 апрелдаги «Давлат харидлари тўғрисида»ги ЎРҚ–684-сон Қонуни (бундан буён – Қонун), Ўзбекистон Республикаси Вазирлар Маҳкамасининг 2022 йил 20 майдаги 276-сон қарори иловасининг «Давлат харидларини амалга ошириш билан боғлиқ тартиб-таомилларни ташкил этиш ва ўтказиш тартиби тўғрисидаги низом» талабларига мувофиқ ишлаб чиқилган..

## 1. ЭНГ ЯХШИ ТАКЛИФНИ ТАНЛАШНИНГ ПРЕДМЕТИ ВА БОШЛАНҒИЧ НАРХ

1.1. Танлаш предмети: **01.01.2022 йил ҳолатига “Иссиқлик электр станциялари” АЖ тизим корхоналарининг идентификация қилинадиган активлари ва мажбуриятларининг ҳаққоний қийматини молиявий ҳисоботнинг халқаро стандартлари (МХХС) талабларига мувофиқ баҳолаш хизматларни кўрсатиш.**

1.2. Бошланғич нарх: **2 600 962 390 (Икки миллиард олти юз миллион тўққиз юз олтмиш икки минг уч юз тўқсон) сўм ҚҚС билан.** Таклифда кўрсатилган нархлар бошланғич нархидан ошмаслиги керак.

1.3. Харид қилинадиган товарлар (хизматлар, ишлар) учун техник топшириқ танлаш ҳужжатининг техник қисмида келтирилган.

## 2. ТАНЛОВ ТАШКИЛОТЧИСИ

2.1. Энг яхши таклифларни танлашнинг (бундан буён – Танлаш) Буюртмачиси «Иссиқлик электр станциялари» АЖ (бундан буён – Буюртмачи) ҳисобланади. Буюртмачининг юридик манзили: Ўзбекистон Республикаси, Тошкент шаҳри, Чилонзор тумани, Бунёдкор шоҳ кўчаси 23 уй.

2.2. Ишчи орган: «Иссиқлик электр станциялари» АЖ харид комиссияси қуйидаги манзилда жойлашган: 100097, Республика Ўзбекистон Республикаси, Тошкент шаҳри, Чилонзор тумани, Бунёдкор шоҳ кўчаси 23 уй.

2.3. Шартнома эгаси: «Иссиқлик электр станциялари» АЖ.

2.4. Танлаш, «Иссиқлик электр станциялари» АЖ томонидан ташкил қилинган харид комиссиясининг энг камида беш аъзоси билан ўтказлади.

## 3. ТАНЛАШ ИШТИРОКЧИЛАРИ

3.1. Танлашда Ўзбекистон Республикасининг резидентлари ва норезидентлари бўлган жисмоний шахслар, ушбу ҳужжатда кўрсатилган шартларни бажарган (ушбу харид қилиш ҳужжатларининг 3.2-бандида санаб ўтилган шахслар бундан мустасно), шунингдек шу каби товарни (ишлар, хизматлар) етказиб бериш тажрибасига эга бўлганлар иштирок этишлари мумкин.

3.2. Қуйидаги иштирокчиларга танлашда иштирок этиш учун **руҳсат берилмайди:**

- зарур ҳужжатларни белгиланган муддатда тақдим этмаган;
- буюртмачи билан суд ёки ҳакамлик муҳокамаси ҳолатида бўлган;
- инсофсиз ижрочиларнинг ягона реестрида бўлган;
- солиқлар ва бошқа мажбурий тўловларни тўлаш бўйича муддати ўтган қарзларга эга бўлган;
- харид қилиш ҳужжатлари талабларига жавоб бермайдиган малака ҳужжатларини тақдим этган.

3.3. Мажбурий ҳужжатлардан ташқари, иштирокчи ўзининг молиявий аҳволи, обрўси, иш тажрибаси ва бошқаларни акс эттирувчи қўшимча маълумот ҳужжатларини тақдим этиш ҳуқуқига эга. Қўшимча ҳужжатларни тақдим этмаслик иштирокчини дисквалификация қилиш учун сабаб бўлиши мумкин эмас.

3.4. Буюртмачи қуйидаги ҳолларда иштирокчини харид қилиш тартиб-таомилларида иштирок этишдан четлаштиришга ҳақли:

- иштирокчи давлат харидлари жараёнида давлат буюртмачиси томонидан бирор-бир хатти-ҳаракатнинг содир этилишига, қарор қабул қилинишига ёки бирор-бир харид қилиш тартиб-таомилининг қўлланилишига таъсир ўтказиш мақсадида давлат буюртмачисининг ёки бошқа давлат органининг исталган ҳозирги ёки собиқ мансабдор шахсига ёки ходимига хар қандай шаклдаги ҳақни, ишга ёллаш тўғрисидаги таклифни ёхуд исталган бошқа қимматбаҳо ашёни ёки хизматни бевосита ёхуд билвосита таклиф қилса, берса ёки беришга розилик билдирса;

- иштирокчи Ўзбекистон Республикаси Қонунчилигини бузган ҳолда адолатсиз рақобат устунлигига ёки манфаатлар тўқнашувига эга бўлса.

#### **4. ТАКЛИФ ВА УНИ РАСМИЙЛАШТИРИШ**

4.1. Танлашда иштирок этиш учун иштирокчи:

-[www.etender.uzex.uz](http://www.etender.uzex.uz) махсус ахборот порталида жойлаштирилган энг яхши таклифларни танлаш талаблари билан танишиш учун харид ҳужжатлари юклаб олиши керак;  
-қонунчилик ва харид қилиш ҳужжатлари талаблари ва муддатларига мувофиқ таклифини тақдим этиши шарт;

4.2. Порталда эълон қилинган энг яхши таклифни танлашда иштирокчилар ўз таклифларини белгиланган тартибда юклайдилар.

4.3. Таклиф ва у билан боғлиқ бўлган иштирокчи ва Буюртмачи томонидан амалга ошириладиган барча ёзишмалар ва ҳужжатлар, давлат тилида ва, заруриятга қараб, бошқа тилларда бўлиши керак. Таклиф унга рус ёки ўзбек тилидаги таржимаси илова қилинган ҳолда бошқа тилда бўлиши мумкин. Таклиф матнида номувофиқликлар юзага келганда, бирдан ортиқ тил ишлатилганда, ўзбек ёки рус тиллари устунлик қилади. Техник ҳужжатларни инглиз тилида тақдим этилишига рухсат берилади.

4.4. Таклиф электрон шаклда тақдим этилади (рангли шаклда иштирокчининг имзоси ва муҳри билан).

4.5. Таклифлар аукцион бошланган кундан бошлаб [www.etender.uzex.uz](http://www.etender.uzex.uz) порталда кўрсатилган санагача электрон шаклда тақдим этилади

4.6. Энг яхши таклифни танлаш иштирокчилари таклифининг амал қилиш муддати таклифлар тақдим этилган кундан бошлаб камида 60 кун бўлиши керак.

#### **5. ТАКЛИФ ТАҚДИМ ЭТИШ МУДДАТИНИ УЗАЙТИРИШ**

5.1. Агар зарур бўлса, буюртмачи таклифларни тақдим этиш муддатини узайтириши, шунингдек танлаш иштирокчиларига ўз таклифларининг ҳақиқийлигини Харид комиссиясининг қарори билан маълум муддатга узайтириш таклифи билан мурожаат қилиши мумкин.

5.2. Таклифни тақдим этиш муддатини узайтириш тўғрисидаги эълон махсус ахборот порталида жойлаштирилади ва зарур ҳолларда буюртмачининг веб-сайтида ёки бошқа оммавий ахборот воситаларида эълон қилинади.

#### **6. ХАРИД ҚИЛИШ ҲУЖЖАТЛАРИГА ЎЗГАРТИРИШЛАР КИРИТИШ**

6.1. Зарурат бўлганда, буюртмачи харид қилиш ҳужжатларига ўзгартиришлар киритиш тўғрисида қарор қабул қилишга ҳақли.

6.2. Таклифлар бериш муддати тугайдиган санадан бир иш кунидан кечиктирмай танлаш бўйича харид қилиш ҳужжатларига ўзгартиришлар киритиш тўғрисида қарор қабул қилиниши мумкин. Бунда ушбу танлашда таклифларни тақдим этишнинг тугаш муддати камида уч иш кунига узайтирилади.

6.3. Товар (иш, хизмат) номи ёки унинг хусусиятларини ўзгартиришга йўл қўйилмайди.

6.4. Шу билан бирга, эълонда кўрсатилган ахборот ўзгартирилган бўлса, танлаш ўтказиш тўғрисидаги эълонга ўзгартиришлар киритилади.

#### **7. ТАКЛИФЛАРНИ МЕЗОНЛАР АСОСИДА КЎРИБ ЧИҚИШ ТАРТИБИ**

7.1. Эълонда танлов ўтказиш вақти сифатида кўрсатилган вақт, энг яхши таклифни танлашда харид комиссияси иштирокчилар томонидан тақдим этилган таклифларни юклаб олиш ва кўриб чиқиш учун.

7.2. Танлаш иштирокчиларининг таклифларини кўриб чиқиш ва баҳолаш муддати таклифлар тақдим этишнинг охириги муддати тугаган кундан бошлаб ўн иш кундан ошмаслиги керак.

7.3. Таклифлар кўриб чиқиш вақтида барча ҳужжатларнинг мавжудлиги, намуналар ва уларнинг тўғри расмийлаштирилганлиги текширилади. Талаб қилинган ҳужжатлар бўлмаган тақдирда, танлаш бўйича харид комиссияси ушбу таклифни кўриб чиқиш ва баҳолашга йўл қўймасликка ҳақли.

7.4. Харид комиссияси танлаш ғолибини аниқлаш учун рад этилмаган таклифларни харид қилиш ҳужжатларида кўрсатилган мезонлар асосида баҳолайди.

7.5. Агар танлаш иштирокчиси томонидан тақдим этилган ҳужжатларда келтирилган маълумотлар ишончсиз деб топилган бўлса, Харид комиссияси бундай иштирокчини танлашда иштирок этишдан четлаштиришга ҳақлидир.

7.6. Таклифни баҳолаш ва танлаш ғолибини аниқлаш мезонлари мазкур танлаш ҳужжатида кўрсатилган мезонлар асосида амалга оширилади (2-илова).

7.7. Таклиф амалдаги Қонун ва харид қилиш ҳужжатлари талабларига жавоб берадиган бўлса, тўғри расмийлаштирилган деб тан олинади.

7.8. Агар таклифни тақдим этган иштирокчи амалдаги қонунда белгиланган талабларга ва харид қилиш ҳужжатлари талабларига жавоб бермаса Харид комиссияси уни рад этади.

7.9. Таклифни баҳолаш жараёнида буюртмачи танлов иштирокчиларидан уларнинг таклифлари ҳақида тушунтиришлар сўраши мумкин. Ушбу тартиб расман, ёзма равишда белгиланган тартибда танлаш ташкилотчиси орқали амалга оширилади. Тушунтириш жараёнида таклиф моҳиятида, шунингдек нархда ҳеч қандай ўзгаришларга йўл қўйилмайди.

7.10. Агар танлаш шартларига кўра танлаш иштирокчилари турли валюталарда таклифлар киритган бўлсалар, баҳолаш давомида таклифлар суммалари махсус ахборот порталида эълон қилинган санадаги (лотнинг бошланиш санаси) Ўзбекистон Республикаси Марказий банкининг курси бўйича ягона валютада ҳисобланади.

7.11. Харид қилиш ҳужжатларида ва таклифларда кўрсатилган мезонлар асосида шартномани бажариш учун энг яхши шартларни таклиф қилган танлаш иштирокчиси ғолиб деб топилади.

7.12. Арифметик ёки бошқа хатолар мавжуд бўлганда, харид комиссияси танлаш иштирокчисини хабардор қилган ҳолда, харид таклифини рад этиш ёки уни кўриб чиқиш учун бошқа шартларни аниқлаш ҳуқуқига эга.

7.13. Хорижий ва маҳаллий Танлов иштирокчилари нархларини тўғри таққослаш учун баҳолашда Ўзбекистон Республикасининг амалдаги қонунчилигида назарда тутилган ҳолларда тегишли ҳаражатлар (солиқлар, божхона тўловлари ва бошқа мажбурий тўловлар) ҳисобга олинади. Бундан ташқари, агар бошланғич нархи хорижий валютада кўрсатилган бўлса, Ўзбекистон Республикасининг амалдаги қонунчилигида назарда тутилган ҳолларда тегишли ҳаражатлар (солиқлар, божхона тўловлари ва бошқа мажбурий тўловлар) ҳисобга олинган ҳолда ҳам қайта ҳисоблаб чиқилади.

7.14. Таклифларни кўриб чиқиш ва баҳолаш натижалари баҳолаш баённомасида қайд этилади.

7.15. Таклифларни кўриб чиқиш ва баҳолаш баённомаси харид комиссиясининг барча аъзолари томонидан имзоланади ва ундан кўчирма имзоланган кундан уч иш кунида махсус ахборот порталига жойлаштирилади.

7.16. Танловнинг хар қандай иштирокчиси таклифларни кўриб чиқиш ва баҳолаш баённомаси эълон қилинганидан кейин буюртмачига танлов натижаларини аниқлаштириш учун сўров юборишга ҳақли. Буюртмачи бундай сўровни олган кундан бошлаб уч иш куни ичида танлов иштирокчисига тегишли тушунтиришларни тақдим этиши шарт.

## **8. ТОМОНЛАРНИНГ ЖАВОБГАРЛИГИ ВА МАХФИЙЛИККА РИОЯ ҚИЛИНИШИ**

Ўзбекистон Республикаси қонунчилигига мувофиқ қуйидагилар жавобгар бўладилар:

- ишчи орган таркибига кирувчи таклифларнинг ҳисобини юритувчи, уларнинг сақланиши ва махфийлигини таъминловчи шахслар;
- маълумотларни ошкор қилиш, иштирокчилар, комиссиянинг бошқа аъзолари ва жалб қилинган экспертлар билан тил бириктиришга йўл қўйиш, шунингдек бошқа қонунга хилоф ҳаракатлар қилиш учун комиссия раиси ва аъзолари, ҳамда, таклифларни ўрганиш учун тузилган ишчи гуруҳ аъзолари;
- танлов ғолиби, шартнома бўйича мажбуриятларини (миқдорий, сифат ва техник кўрсаткичлар бўйича) бажармаган шахс Ўзбекистон Республикаси қонун ҳужжатларига ва/ёки тузилган шартнома шартларига мувофиқ жавобгар бўлади

## **9. БОШҚА ШАРТЛАР**

9.1. Агар танлашда аввал Ўзбекистон Республикаси ҳудудида кўрсатилмаган хизмат такиф қилинаётган бўлса, Харид комиссияси танлаш иштирокчисидан илгари кўрсатилган хизматлар бўйича учинчи шахслардан фикр-мулоҳазаларни сўрашга ҳақли.

9.2. Танлашда иштирок этиш истагини билдирган иштирокчилар, ўтказилаётган танлаш бўйича тушунтириш олиш учун Буюртмачи билан боғланиш ҳуқуқига эга.

9.3. Танлаш иштирокчиси танлаш бўйича харид қилиш ҳужжатларидаги талабларни тушунтириш талаби билан давлат буюртмачисига очиқ электрон чат орқали сўров юборишга ҳақли. Давлат буюртмачиси сўров тушган санадан эътиборан икки иш куни ичида ушбу сўровга очиқ электрон чат орқали тушунтириш юбориши шарт. Танлаш бўйича харид қилиш ҳужжатларининг қодаларига доир тушунтиришлар уларнинг мазмун-моҳиятини ўзгартирмаслиги керак.

9.4. Танлаш қуйидаги ҳолларда харид комиссияси томонидан ҳақиқий эмас деб топилиши мумкин:

- танлашда битта иштирокчи қатнашган бўлса ёки ҳеч ким қатнашмаган бўлса;
- агар таклифларни кўриб чиқиш натижаларига кўра, харид комиссияси барча таклифларни харид қилиш ҳужжатлари талабларига мос келмаслиги сабабли рад этган бўлса.

9.5. Буюртмачи ғолиб бўлган таклифни қабул қилишдан олдин исталган вақтда танлашни бекор қилиш ҳуқуқига эга. Танлаш бекор қилинган тақдирда, буюртмачи ушбу қарорнинг асосли сабабларини махсус ахборот порталда эълон қилади.

## **10. ШАРТНОМА ТУЗИШ**

10.1. Танлаш натижаларига кўра, шартнома харид қилиш ҳужжатларида кўрсатилган шартнома шартлари асосида тузилади.

10.2. Танлов бўйича харид комиссиясининг қарори билан танлов ғолиби деб эълон қилинган танлов иштирокчиси буюртмачидан тегишли ёзма хабар олади.

10.3. Агар танлаш ғолиби танлаш шартлари бўйича шартнома тузишдан бош тортса, шартнома тузиш ҳуқуқи захира ижрочига ўтади. Бундай ҳолда, захира ижрочи танлаш ғолиби томонидан таклиф қилинган нарх бўйича шартнома тузади ёки шартнома тузишдан бош тортиши мумкин.

## Иштирокчиларни малакасини баҳолаш тартиби ва мезонлари ва танлов таклифлари

## Танлаш иштирокчиларини баҳолаш мезонлари

№	Мезонлар	Категория оғирлиги %	Категория оғирлиги %
1.	<b>Техник баҳолаш</b>	<b>70%</b>	<b>100%</b>
1.1	Иштирокчи ҳақида умумий маълумот; (Иштирокчи юридик манзили, банк реквизитлари, асосий фаолият тури, таъсисчилар ва Бенефициарлар тўғрисида (таъсисчилар ва бенефициарларнинг тўлиқ номи ва СТИР), устав нусхаси, корхона раҳбарининг паспорт нусхаси ҳақида маълумот бериши керак. Маълумотлар тўлиқ топширган иштирокчи комиссия қарорига асосан юқори балл олиши мумкин ёки аксинча тўлиқ бўлмаган маълумот учун иштирокчи комиссия қарорига асосан юқори баллдан кам балл олиши мумкин. Маълумот тақдим қилмаган иштирокчи танлашдан четлатилади.)		Минимал 0 балл Максимал 15 балл
1.2	Иштирокчининг молиявий ҳолати; (Иштирокчи 2020-2021 йиллар учун тасдиқланган (қабул қилинган) йиллик Ф1 ва Ф2 молиявий ҳисоботларини тақдим этиши керак. Комиссия, тақдим қилинган ҳисоботлар орқали иштирокчиларнинг молиявий барқарорлиги ва натижадорлиги бўйича баҳолайди.)		Минимал 0 балл Максимал 10 балл
1.3	Антикоррупцион ариза; (Иштирокчи коррупцион ҳолатларга ва ҳаракатларга йўл қўймаслик, уни олдини олиши тўғрисида ариза тақдим этиши керак. Ариза тақдим қилмаган иштирокчи танлашдан четлатилади).		Минимал 0 балл Максимал 5 балл
1.4	Халқаро аудит ёки консалтинг компаниялар тармоғи аъзолиги; (Иштирокчи халқаро аудит ёки консалтинг компаниялар тармоғи аъзолигини тасдиқловчи ҳужжат тақдим этиши керак. Тақдим қилмаган иштирокчи танлашдан четлатилади)		Минимал 0 балл Максимал 5 балл
1.5	Суғурта полюси; (Иштирокчи камида 2 000 000 000 (икки миллиард) сўм миқдоридagi суғурта полюсига эга бўлиши керак. Тақдим қилмаган иштирокчи танлашдан четлатилади)		Минимал 0 балл Максимал 5 балл
1.6	Лойиҳа жамоаси ҳақида маълумот; (Камида 5 та баҳолаш лойиҳасини бошқариш тажрибасига эга бўлган лойиҳа раҳбари, камида 1 та халқаро CFA тажрибасига, 1 та халқаро CPA тажрибасига, 2 та ACCA халқаро малакасига, 1 та MRICS, ASA, REV ёки FMVA молия соҳасидаги тажрибага ҳамда 4 та тўлиқ итатдаги баҳолаш фаолияти бўйича тажрибага эга сертификатли мутахассислардан иборат жамоа таркиби		Минимал 0 балл Максимал 25 балл

		<i>мутахассислардан иборат жамоа таркиби тўғрисида маълумот тақдим этиши керак. Комиссия тақдим қилинган маълумотлар орқали мутахассисларнинг малакаси, билими ва мавжуд сертификатларини инобатга олган ҳолда баҳолайди. Тақдим қилмаган иштирокчи танлашдан четлатилади)</i>		
	1.7	<i>Иш тажрибаси; (Иштирокчи охириги 5 йилда шунга ўхшаш хизматларни кўрсатишида етарли тажрибаси тўғрисида маълумот (хизмат кўрсатган корхона номи, хизмат тури, санаси) тақдим қилиши керак. Ёқилги-энергетика комплекси корхоналаридаги тажрибаси қўллаб қувватланади ва комиссия томонида юқори балл олиши имконини беради;)</i>		Минимал 0 балл Максимал 25 балл
	1.8	<i>Тавсиянома; (Иштирокчи камида 2 та аввалги буюртмачилардан тавсиянома тақдим қилиши керак. Тақдим қилмаган иштирокчи танлашдан четлатилади.)</i>		Минимал 0 балл Максимал 10 балл
<b>2.</b>	<b>Нархларни баҳолаш</b>		<b>30%</b>	<b>100%</b>

**Эслатма:** тақлиф электрон шаклда тақдим этилади, асл ҳужжатдан сканерланади, иштирокчининг имзоси ва муҳри билан рангли форматда (танлов ҳолиби шартнома билан асл ҳужжатларни олиб келиши керак)



## 2. НАРХ ҚИСМИ

1	Нарҳи	<b>2 600 962 390 (Икки миллиард олти юз миллион тўққиз юз олтмиш икки минг уч юз тўқсон) сўм ҚҚС билан</b>
2	Молиялаштириш манбаи	“Иссиқлик электр станциялари” АЖнинг ўз маблағлари
3	Тўлов валютаси	Сўм, Ўзбекистон Республикаси миллий валютаси
4	Тўлов шартлари	Олдиндан тўлов – 30% Якуний тўлов – 70%
5	Танлаш таклифини амал қилиш муддати	30 кун
6	Закалат миқдори	Танлашнинг бошланғич нархининг умумий суммаси 1%

Бошқарув раисининг ўринбосари

А.Т. Джураев

Бошқарув раисининг ўринбосари

Ф. Шаисматов

Юридик бўлим бошлиғи

М. Насиров

БЭШРЭК бўлими бошлиғи

Б.Нишонходжаев

Бош ҳисобчи

А. Аҳмаджонов

БГИЭҚ бўлими бошлиғи

Н. Юсупов

АКТБ бошлиғи

Б. Нишанбаев

ХТ офиси бошлиғи

М. Сабилов